



JORNADA ORSAMENTAL
Ministériu Finansas, 27 de Junho de 2019

“PROMOVE KUALIDADE PLANEAMENTU NO ORSAMENTU HODI HADIA PRESTASAUN SERVISU PUBLIKU”

Sua Excelência Sr. Primeiru Ministru;

Excelencias:

Senhoras e Senhores Deputadus;

Karos Kolegas Membre VIII Governu;

Governador Banco Central;

Presidente da Comição de Função Publica;

Presidente Camara de Comercio e da Industria;

Representante Sociedade Civil;

Dirijentes hotu hosi servisu orgauns autonomas no administrasaun publika;

Presidente de Autoridade Munisipais, Administradores Munisipius
Señoras e Señorer, Distintus konvidadus.

Ba dala uluk hodi Ministériu Finansas nia naran, hau harakak hato'o ami nia kalorosas boas vindas no dader kmanek ba SE Sr. Primeiru Ministru no ba ita bót sira hotu ne'ebé halibur hamutuk iha ne'e hodi partisipa iha “semináriu Jornada Orsamentál ba tinan 2020.

Hanesan ita hotu hatene "Jornada Orsamentál" ne'e nu'udar sorumutu anual hodi marka inísiu ba prosesu sira iha ambitu elaborasaun orsamentu ba tinan 2020 ho hanoin atu defini Prioridades Nasionais ho forma ida ne'ebé enkuadra Planeamentu no Implementasaun hosi Planu Estratéjiku Desenvolvimentu Nasionál ba periudu 2011 – 2030, hosi Objetivu sira ba Desenvolvimentu Sustentável nian, hosi Programa VIII Governu Konstitusionál no Planu Asaun Anual.

Portantu liu husi Jornada Orsamental ida ne'e, ita hakarak hetan objetivu prinsipal rua:

- 1) Atu define prioridades nasionais ba tinan 2020;
- 2) Atu determina tetu fiskal ba Orsamentu Jerál Estadu 2020;

Importante tebes atu iha determinasaun prioridade nasionál sira, iha kedas enkuadramentu iha forma mediu prazu, ne'ebé aliña ho periudu Governasaun atu nune'e ita bele defini teto orsamentál ba kada tinan hosi 2020 to'o 2023 ho forma ida de ne'ebé realistiku, efikaz e sustentável hodi bele asegura ekonómia rai laran nomós antesipa inserteza sira ne'ebé kauza hosi ekonómia global.

Hakarak friza katak, tamba orsamentu jerál estadu hanesan ita nia instrumentu prinsipal hodi jere ekonómia neduni presija iha postura orsamentu ida ne'ebé responde ba situasaun kritiku balun ne'ebé Governu tenki tau atensaun makas.

Ezemplu konkretu:

1. Ita hotu senti hela desafiu bo'ot ida maka 40.7% hosi ita ninia populasaun sei moris iha liña pobreza nia okos, tuir sensus 2015, maibé ida ne'e ita seidak konta ho situasaun balun tan ne'ebé bele lori ema sai kiak tamba dezastre naturais ne'ebé akontese tinantinan, bailoron naruk ne'ebé afeta produsaun agrikula no faktor selu-seluk tan ne'ebé kontribui ba ema sai kiak liu tan.

2. Ita iha situasaun ida ema balun iha kbiit maibé balun laiha. Disparidade iha klase rendimentu, iha sosiedade nia laran entre áreas urbanas e rurais, entre munisípius/distritus, entre suku etc. ne'eduni presija iha tebes equilibriu iha distribuisaun orsamentu atu bele reduz disparidade sira iha ita nia sosiedade.

2. Ita nia populasaun ho komposisaun bo'ot idade joven ho media 18 anos de idade mai kraik. Ida ne'e bele hare hanesan potencia uainhira Governu hahu investe atu populasaun maioria ho idade joven ne'e bele iha kbiit atu hasoru kondisaun moris aktual no iha futuru. Se kuandu la investe kedas desde tinan sei kiik atu iha nutrisaun diak, desde kedas sei iha inan nia isin, la hetan vasina hodi hases hosi moras oin-oin, la hetan kontrolu iha todan, la tama eskola tuir tempu ka idade, maka populasaun joven ne'e se la produtivu, la inovativu ate nia la konsege organiza an, e pior liu tan bele estraga fali ninia sosiedade. Ida ne'e desafiu bo'ot ne'ebé ita sei hasoru iha futuru ne'eduni kuandu se ita kualia kona-ba sociedade justu e prósperu, ninia konkretu maka oinsa ita eradika pobreza, reduz desigualdade nomós investe ba rekursus humanus atu bele sai ema ne'e produktivu iha futuru.

Ne hanesan exemplu hosi problema lubuk ida mak ita siente hela, Neduni iha Ita nia Jornada Orcamental ba laron ohin ita sei rona uluk Liñas Orientasoes hosi SE Sr. Primeiru Ministru ne'ebé rezulta hosi segundu retiru ba membru VIII Governu iha fulan Maiu nia laran liuba, hodi nune'e bele orienta hotu-hotu ninia hanoin sobre prioridades sira ne'ebé presija konsidera iha Elaborasaun Proposta Orsamentu ba tinan 2020 to'o 2023, no ofisialmente SE Sr. Primeiru Ministru sei dirije abertura " Semináriu Jornada Orcamentál 2020".

Tuir fali iha sorumutu ohin laron ita sei iha apresentasaun lubuk ida hosi MF, UPMA nomós hosi Banco Central, ne'ebé sei aborda matérias sira sobre programas, prioridades no metas principais, planeamentu no orsamentu avaliasaun desempeñu sócio-ekonómiku, análise ba desempeñu reseitas no despesas atuais, desempeñu investimentu fundu petrolífera, Dezenvolvimentu iha Seitór Financeiru no programas ba inklusaun financeira, ne'ebé fiar katak ho apresentasaun sira ne'e hotu sei fasilita ita hotu atu hetan informasaun sira ne'ebé atualizadu no adekuaudu hodi nune'e bele iha partisipasaun aktivu iha diskusaun ohin laron nomós diskusaun sira tuir mai durante elaborasaun orsamentu ba tinan 2020.

Aprezentasaun sira sei fahe ba sesaun tolu:

- I. Aprentasaun kona-ba programas, prioridades no metas principais dezenvolvimentu ba período 2018-2023;**
- II. Aprezentasaun sobre Dezempeñu Dezenvolvimentu Sosial, Ekonómia, Fiskal no Monetária;**

III. Apresentasaun sobre senariu fiskal no prosesu elaborasaun orsamentu.

Ida ne'e maka ita nia programa ohin lora no deseja ita hotu-hotu nia bo'a disposisaun no pasiensa hodi akompaña ita nia sorumutu Jornada Orcamentál to rohan tamba ita hotu hakarak atu elabora Orsamentu 2020 ho prinsípiu ida ne'ebé orientadu liu ba atu hamenuz kiak no mukit, investe iha rekursus humanus hodi bele aselera desenvolvimento.

Ikus liu deseju susesu ba ita hotu.

Obrigada uain ba atensaun.